



Bosna i Hercegovina
Federacija Bosne i Hercegovine
Kanton Sarajevo – Grad Sarajevo
OPĆINA CENTAR SARAJEVO
OPĆINSKI NAČELNIK

Broj: 02-11-1952/21

Datum: 23-06-2021. godine

Na osnovu člana 69. stav (3) Zakona o javnim nabavkama Bosne i Hercegovine ("Službeni glasnik BiH", br. 39/14) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), a u skladu sa prijedlogom Službe za javne nabavke, zajedničke poslove i informatiku – Odsjeka za informatiku od 26.04.2021.godine, u postupku javne nabavke usluga održavanja core sistema, putem otvorenog postupka, Općinski načelnik d o n o s i:

ODLUKU
o otkazivanju postupka javne nabavke

I

Otkazuje se postupak javne nabavke usluga održavanja core sistema, putem konkurentskog zahtjeva za dostavu ponuda, broj obavještenja o nabavci: 848-7-2-35-3-28/21 od 31.03.2021.godine.

II

Postupak javne nabavke usluga održavanja core sistema, putem otvorenog postupka, otkazuje se u skladu sa članom 69. stav (3), zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke. Razlog otkazivanja predmetnog postupka su problemi u prilivu novčanih sredstava u Budžetu Opštine Centar Sarajevo što je uzrokovano pandemijom korona virusa, zbog čega je izvršen rebalans Budžeta u kojem su sredstva predviđena za ovu namjenu preusmjerena na druge budžetske pozicije. Ugovorni organ će nakon prestanka navedenih razloga, razmotriti mogućnosti ponovnog pokretanja postupka za nabavku usluga održavanja core sistema.

III

U skladu sa članom 70. Stav (6) Zakona, Općina Centar Sarajevo, kao Ugovorni organ će ovu Odluku objaviti na svojoj internet stranici: www.centar.ba, te će se Obavještenje o poništenju javne nabavke objaviti na Portalu javnih nabavki.

IV

Ova Odluka će se dostaviti učesniku u postupku javne nabavke.

O b r a z l o ž e n j e

Postupak javne nabavke usluga održavanja core sistema pokrenut je Posebnom odlukom o pokretanju broj: 02-11-1952/21 od 31.03.2021. godine. Procijenjena vrijednost javne nabavke bez PDV-a iznosi 29.000,00 KM. Nabavka je pokrenuta putem konkurentskog zahtjeva za dostavu ponuda. Kriterij za izbor najpovoljnije ponude je „ekonomski najpovoljnija ponuda“ sa potkriterijima: 1. Cijena 90% i 2. Rok plaćanja 10%.

Na Portalu javnih nabavki objavljeno je Obavještenje o nabavci broj: 848-7-2-35-3-28/21 od 31.03.2021. godine.

U roku određenom za otvaranje ponuda, na adresu ovog ugovornog organa pristigla je jedna ponuda.

Nakon javnog otvaranja ponuda, u skladu sa Zakonom i podzakonskim aktima izvršen je pregled i ocjena pristigle ponude o čemu je sačinjen zapisnik dana 15.04.2021. godine.

Naime, nakon pomenutih provedenih radnji u predmetnom postupku nabavke, ovaj ugovorni organ je utvrdio da su nastali problemi u prilogu novčanih sredstava u Budžetu Opštine Centar Sarajevo što je uzrokovano pandemijom korona virusa, zbog čega je izvršen rebalans Budžeta u kojem su sredstva predviđena za ovu namjenu preusmjerena na druge budžetske pozicije.

Na osnovu izloženog, postupak predmetne nabavke otkazuje se u skladu sa članom 69. stav (3), zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Ugovorni organ, na osnovu dokazivih razloga otkazuje predmetnu nabavku, jer se novonastala situacija nije mogla predvidjeti u vrijeme pokretanje postupka ove javne nabavke.

Kako su kumulativno ispunjeni uslovi za otkazivanje postupka predmetne javne nabavke, postupak se otkazuje, te će učesnik u postupku javne nabavke biće obaviješteni o istom.

Iz navedenih razloga, primjenom člana 69. stav (3) Zakona o javnim nabavkama („Službeni glasnik BiH“, broj 39/14), odlučeno je kao u dispozitivu ove odluke.

Pouka o pravnom lijeku:

Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke shodno članu 101. Zakona.



Dostaviti:

1. Učesnicima u postupku javne nabavke,
2. Službi za javne nabavke, zajedničke poslove i informatiku,
3. Arhivi.